



Broj: 05-2-679/25

Sarajevo, 27.03.2025. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), na preporuku Komisije za provođenje postupka nabavke broj: 05-2-367-5-1/25 od 26.03.2025. godine za nabavku roba: Učionički namještaj, Dekan Univerziteta u Sarajevu - Fakulteta zdravstvenih studija donio je

ODLUKU o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke broj: 05-2-367-5-1/25 od 26.03.2025. godine i ugovor za nabavku roba: Učionički namještaj dodjeljuje se ponuđaču R&S d.o.o. Sarajevo čija ukupna cijena ponude iznosi 44.979,00 KM bez PDV-a kao najbolje ocijenjenom ponuđaču.

Član 2.

Izabrani ponuđač dužan je u roku od 5 (pet) dana od dana zaprimanja ove Odluke, na adresu Univerziteta u Sarajevu – Fakulteta zdravstvenih studija, Bardakčije 1, 71000 Sarajevo dostaviti originale ili ovjerene kopije dokaza traženih Tenderskom dokumentacijom iz člana 45. Zakona o javnim nabavkama, ne starije od 3 (tri) mjeseca od dana predaje ponude, računajući od dana dostavljanja ponude

Član 3.

Ova odluka objavit će se na web-stranici www.fzs.unsa.ba u skladu sa članom 70. stav (6) Zakona o javnim nabavkama BiH.

Član 4.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke roba: **Učionički namještaj** broj: 05-2-367/25 od 25.02.2025. godine.

Obavještenje o nabavci broj: 29331-1-1-3-3-11/25 od 27.02.2025. godine objavljeno je na Portalu javnih nabavki i u Službenom glasniku BiH broj: 13/25.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 21.03.2025. godine, tendersku dokumentaciju preuzeo 31 potencijalni ponuđač.

Iz *Zapisnika o otvaranju ponuda* vidljivo je da je Komisija za javne nabavke dana 21.03.2025. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda:





R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	R&S d.o.o. Sarajevo	Da	05-2-613/25	21.03.2025.g. u 08:30 sati

Na javnom otvaranju ponuda je bio prisutan predstavnik ponuđača R & S d.o.o. Sarajevo uz ovlaštenje od 21.03.2025. godine.

Zapisnik o otvaranju ponuda prosljeđen je putem email-a ponuđaču koji je blagovremeno dostavio ponudu.

Komisija za provođenje postupka javne nabavke je na zatvorenom sastanku pristupila pregledu i ocjeni ponude, kako bi utvrdila da li je ponuđač ispunio uslove za kvalifikaciju, a koji su traženi Tenderskom dokumentacijom.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponudeni popust	Ukupna cijena ponude
1.	R&S d.o.o. Sarajevo Igmanska b.b. 71 320 Vogošća	0,00 KM	Cijena ponude bez PDV-a =44.979,00 KM 0% popust <i>Ukupna cijena ponude sa uračunatim popustom bez PDV-a =44.979,00 KM</i> PDV na cijenu ponude=7.646,43 KM Ukupna cijena za ugovor = 52.625,43 KM sa PDV-om

Nakon pregleda i ocjene ponuda, Komisija za provođenje postupka nabavke utvrdila je da ponuda ponuđača **R&S d.o.o. Sarajevo** ispunjava sve minimalne uslove za kvalifikaciju tražene tenderskom dokumentacijom i da je ista **prihvatljiva**.

Kao što je navedeno u Tenderskoj dokumentaciji i Obavještenju o nabavci broj: 29331-1-1-3-3-11/25 od 27.02.2024. godine za predmetnu nabavku predviđeno je provođenje E-aukcije, a s obzirom da je pristigla samo jedna prihvatljiva ponuda E-aukcija se ne može zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu - Fakulteta zdravstvenih studija da se u predmetu nabavke roba: Učionički namještaj, donese Odluka o dodjeli ugovora ponuđaču R&S d.o.o. Sarajevo čija cijena ponude iznosi 44.979,00 KM bez PDV-a.



Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Dekan

Prof. dr. Arzija Pašalić




Prilog:

- Zapisnik o pregledu i ocjeni ponuda

Dostaviti:

- Ponuđaču
- Dosije nabavki
- a/a



